

Маҳзунлик пайтида кўнгил олиш нақадар ажойиб ибодат



13:19 / 14.01.2022 2719

Набий соллаллоҳу алайҳи васаллам София бинти Ҳуяй онамиз розияллоҳу анҳонинг ҳузурларига кирганларида София онамиз йиғлаб ўтирган эдилар. Набий соллаллоҳу алайҳи васаллам сўрадилар:

- Нега йиғлаяпсан?

Онамиз жавоб бердилар:

- Ҳафса мени «яхудийнинг қизи» деб ҳақоратлади!

Набий алайҳиссалом дедилар:

- Сен пайғамбарнинг қизисан, амакинг ҳам пайғамбар, эринг ҳам пайғамбар! Ҳафса нимаси билан сенга фахрлана олади?!

Сўнгра Расулulloҳ соллаллоҳу алайҳи васаллам Ҳафса онамиз розияллоҳу анҳонинг олдиларига бориб: «Эй Ҳафса! Аллоҳдан қўрқ!», дедилар.

Аёлларнинг табиати нозик бўлади. Зеро, улар юракка яқин қовурғадан яратилган. Улар ҳиссиётга берилувчан бўлишади. Уларнинг яратилишидаги ҳикмат шуни тақозо қилади. Шунинг учун улар арзимаган

ишларга ҳам йиғлайверишади.

Бу аҳамиятсиз нарса эмас. Баъзилар айтганидек, аёллардаги заифлик ҳам эмас. Бу нарса улардаги аччиқ кунларга йиртқич онашер каби қарши чиқиш иқтидорини камайтирмайди. Бор-йўғи улар башариятнинг ширин ва нозик қисми холос. Йиғи эса улардаги мана шу нозикликнинг ифодасидир. Улар бу билан ўзларига эътиборни тортмоқчи бўлишади.

Улар йиғлашганда бепарво бўлманг. Бу ҳолат уларнинг қалбидан ўрин олишининг ажойиб имкониятидир. Аёлга қалби орқали эга чиқса бўлади. Улар йиғлайдиган лаҳзаларда улардан юз ўгириб бўлмайди. Бу борада Набий соллаллоҳу алайҳи васаллам бизга ўртак бўляптилар: «Нега йиғлаяпсан?!».

Хотинлари бўлган воқеани айтганида уни ширин сўзлар билан юпатыптилар. Хатога эса рози бўлиб бўлмайди. Ҳафса онамизнинг хатоларини тузатиб қўймоқдалар.

Бу ҳодисада кундошлар орасидаги келишмовчиликларнинг гувоҳи бўляпмиз. Иймон даражасининг бунда алоқаси йўқ. Бунинг сабаби табиат ва инсон фитратидир. Аёл кишининг иймони қанчалар юксалмасин унинг табиатида кундошидан эрини рашк қилиш сақланиб қолаверади.

Бундан бир неча асрлар муқаддам Сора онамиз Иброҳим алайҳиссаломни Ҳожар онамиздан рашк қилган эдилар. Бундан Иброҳим алайҳиссалом сиқилган эдилар. Ваҳоланки, Сора онамиз тавҳид ва иймон қаҳрамонларидан эдилар.

Маҳзунлик пайтида кўнгил олиш нақадар ажойиб ибодат! Бу гўзал хулқ инсонларни нақадар безайди биродарлар!

Ҳаёт мушкулотларига мана шу тирқишдан қарашимиз лозим. Бу фурсат елкадош бўлиш фурсатидир. Бу фурсат кўнгил топиш имкониятидир.

Рашк бу аввалдан бор бўлган ҳаётининг бир кўринишидир. Баъзан у аёлларни чегарасидан чиқариб юборади. Уй ишлари уни чарчатади. Болалар тарбияси уни хоритади. Бу эркалар учун ҳамдард бўладиган қалбга айланиш фурсатидир. Уларни суяйдиган меҳрибон елкага айланиш онидир. Бундай ҳолда аёлингизга эркаклигингизни, бошлиқлигингизни кўрсатинг. Уни пешанасига лабингизла муҳр қўйинг. Унга эътиборли эканлигингизни айтинг. Уни бағрингизга олинг. Уни ташлаб қўймаслигингизни айтинг. «Мен сен билан биргаман, мен сен билан кучлиман, сенга эҳтиёжим бор»,

денг. Кўрасиз, унинг юзи хурсандликдан порлайди. Табассум қилади, ўтган нарсаларни унутади!

Аёлларнинг ёши қаерга етмасин, уларнинг ичида гўё меҳрталаб ёш қизалоқлар яшайди. Шунини биз эркеклар унутмаслигимиз лозим!

Абдулқодир Полвонов